

## RUEDA DE PRENSA ALLA-27-1-2022

Resultáu de la Xunta Estraordinaria del martes, 25 de xineru.

- Acompáñame na mesa Xosé Ramón Iglesias Cueva, Secretariu de l'Academia.
- Quixer entamar col agradecimientu a los medios por acudir, siempre, a les convocatories de l'Academia y por tresmitir fielmente les nueses posiciones.
- Tamién correspuende xustificar l'actuación y la implicación de l'ALLA en rellación col procesu de reforma y la oficialidá (art. 2.e Velar por los derechos lingüísticos de la ciudadanía asturiana).
- Pa l'Academia tamos agora mesmo nunha situación clara de peligru de bloquéu del procesu de reforma del estatutu que, según la nuesa interpretación, podría impedir que l'asturianu y l'leonaviegu fueren llingües oficiales nesta llexislatura (acordies colos tiempos que se necesiten pa la ratificación nel parllamentu español).
- **¿Qué consecuencias sociales implicaría la non oficialidá nesti momentu históricu?**
  - Una gran frustración social y un desánimu coleutivu ensin precedentes
  - Una sensación mui fonda d'inxusticia: los derechos llingüísticos afitaos nel art. 3.2 CE cumpлense en toles comunidaes bilingües del Estáu menos n'Asturies. Ye dicir, los derechos que tienen los gallegos, navarros, vascos, valencianos, catalanes, baleares y araneses niéguense-y a la ciudadanía asturiana.
  - Tamién la perda d'una oportunidá d'afitar un polu cultural con derivaes económiques y d'autoestima coleutiva evidentes.

- ¿Quiénes ganaríen y quiénes perderíen si agora nun se llogra la oficialidá?
  - Ganaríen los mensaxes y la estratexa de los intolerantes
  - Perderíen los partíos denomaos “constitucionalistes” que nun son a facer efectiva la CE n’Asturies, llueu de 40 años d’Estatutu
- Podemos entruganos cómo llegamos a esta situación, potencialmente tan peligrosa pa la sobrevivencia del asturianu. Ta claro que los partíos que configuren la mayoría parllamentaria, l’asturianismu cultural y hasta l’Academia de la Llingua Asturiana tienen que facer autocrítica darréu que, magar el so enfotu, los sos discursos al rodiu del consensu constitucional nel planu llingüísticu tienen problemes p’afitase definitivamente ente nós.
- Por supuesto ye dafechu necesario reconocer, n’otru sen, l’esfuerzu que vienen calteniendo a lo llargo’l tiempu les organizaciones de llealtá llingüística (Xunta Pola Defensa de la Llingua Asturiana, Iniciativa pol Asturianu), los sindicatos de clas y los sindicatos d’enseñanza, asina como’l compromisu de los escritores y músicos n’asturianu, del profesoráu, los periodistes.... Esi esfuerzu tien que seguir agora y con más puxu

- Les causes d'esta situación, del potencial bloquéu, esplícaríense, dende'l puntu de vista de l'Academia, a partir d'estremaes circunstancies:
  1. El retrasu nel entamu del procesu de negociación, xustificáu en parte pola pandemia, que dio oportunidá a la xabaz, continuada y mui bien orquestada campaña d'intolerancia, espardiando una visión apocalíptica de la oficialidá dende'l puntu de vista económico, de dixebara social, de quiebra económica... Ehí queden, pa vergoña de tolos asturianos y asturianes, les valles publicitaries...
  2. Los problemas metodológicos na negociación: cuando s'aborda una reforma estatutaria hai que facelo centrándose n'aquello que se quier reformar del nuesu ordenamientu xurídico autonómico y dexar al marxe otres llexítimes aspiraciones del ideariu políticu de cada partíu.
  3. Tampoco nun ayuda la influencia de factores esternos, por exemplu, la inxerencia de la RAG esixendo, en plena negociación del nuesu estatutu, que'l gallegu habría ser llingua oficial n'Asturies, en toa Asturies.
  4. Otru factor de desgaste nel procesu ye la busca permanente de la complexidá nel encaxe del eonaviegu, la llingua del Navia-Eo, un luxu p'Asturies, que, dende llueu, nun representa nengún problema nun escenariu d'oficialidá.

- ¿Podemos falar de “**culpables**” en rellación cola dinámica siguida y col peligru de bloquéu na negociación? De xuru que non, pero sí de responsabilidaes históriques. Yá dixe que toos tenemos que facer autocrítica (l’Academia féxola na so Xunta Estraordinaria del martes pasáu, yo mesmu punxi'l mio cargu de Presidente a disposición del determinín que tomaren les académiques y los académicos, tengo que dicir nesti sen que la mio actuación nesta dinámica de negociación foi refrendada unánimemente pol Plenu).
- Pues bien, falando de responsabilidá, ta claro qu’hai 3 fuerces polítiques FSA-PSOE, Podemos ya IU que, magar con errores, tuvieron y tán al altor de lo que s’espera d’elles dende una perspeutiva constitucionalista pa sumar los sos 26 votos favorables a la oficialidá.
- Y hai una fuerza, Foro Asturias, que, poles causes que seyan, tovía nun llogró axuntase a esi consensu. Dende'l respetu a la so independencia, l’Academia píde-y que seja un “actor” determinante na busca del alcuerdu y que nun desaproveche una oportunidá histórica que, a lo mejor, tarda en repetise.

■ **¿Qué facer si'l bloquéu se caltién nel tiempu?**

1. Esixir, con más puxu y argumentos, el cumplimientu de la previsión constitucional del artículu 3.2 CE como un derechu irrenunciable n'Asturies.
2. Afondar na reivindicación cívica, teniendo en cuenta aspeutos básicos:
  - a) La unidá de toles instances qu'hasta güei trabayaron pol algame de los nuesos derechos llingüísticos,
  - b) La busca de la tresversalidá (PP, la llingua nun ye, n'esclusiva de les dereches o les esquierdes),
  - c) L'enanchamientu de la base social de la demanda d'oficialidá (sindicatos, asociaciones sociales, culturales y deportives, ámbitu empresarial y ciudadanu, etc.)

Dende llueu, l'Academia va tar nesa llinia d'actuación col mayor enfotu y ensin renunciar al so fundamental llabor científicu con nueves llinies d'estudiu, investigación y divulgación de la nuesa realidá llingüística y cultural. Pero, mientres tanto y agora mesmo, l'Academia considera qu'hai qu'apurar toles opciones de negociación porque tiempu y determiní hai per parte de los partíos políticos implicaos.